



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

20. Alia de eadem aqua benedicta.

urn:nbn:de:hbz:466:1-45701

mortem. Ad quem ingressus honorificè à rege susceptus, & humiliter exoratus, ut sanaret filium suum, aquà, cui benedixit, aspersit iunè, & intuens in eum, ait: Confide, fili, non morieris, hac vice. Dixit hoc, & die sequenti secundùm dictum Propheta, secuta est sanitas, sanitatem latitia Patris, clamor & strepitus totius exultantis familia. Et pertransiens Scotiam, in ipso introitu Angliæ diuertit ad Ecclesiam Giffburnensem, ubi habitant viri religiosi, canonicam ducentes vitam, ab antiquo familiares ei pro suà religiofitate. Ibi adducta est ad eum mulier patiens morbum, quem Cancrum vulgò appellant, ipso horrendum visu, & sanauit eam. Nam ubi aquà, cui benedixit, aspersa sunt ulcerum loca, dolorem non sensit. Die verò sequenti vix ulcera apparebant.

XX.
S Greg. Tur. in vit. S. Quintiani. An. Dom. 506.
Paria scribit S. Gregorius Turonensis de S. Quintiano Auer-nensi Episcopo, Hortensium senatorij Ordinis virum, cum omni domo sua, ob superbam calumniam, maledicente; nam cum omnes febris corriperebantur, Hortensiusque ipse sibi metueret, veniam supplex petiuit. Quam ille breuissimè indulgens, benedictam aquam domui transmisit: illaq; per parietes respersa, omnis agri-tudo protinus est depulsa, ac magna ibi virtus apparuit: nam & qui morbum incurrerant, sanati sunt: & qui sanati erant, ultra non in-currerunt. Paria refert D. Gregorius de S. Fortunato à quodam Gotho duos pueros abductos repetente; qui quia reddere eos re-cusauit, lapso equo coxam bis fregit. Itaque ictus sapiens pue-ros reddidit, diacono dicens: Vade, & dic Domino meo Episcopo: Quia maledixisti mihi, ecce percussus sum: Sed pueros, quos quaesisti, recipe, & pro me, rogo, intercede. Susceptos itaq; pueros Diaconus ad Episcopum reduxit, cui benedictam aquam venerabilis Fortunatus statim dedit, dicens: Vade citius, & eam super iacentis corpus projice. Perrexit itaq; Diaconus, atque ad Gothum introgressus, benedictam aquam super membra illius aspersit. Res mira, & vehementer stupen-da! mox ut aqua benedicta Gothi coxam contigit, ita omnis fractura solidata est, & saluti pristina coxa restituta, ut horà eadem de lecto sur-geret, & ascenso equo ita cæptum iter ageret, ac si nullam umquam le-sionem corporis pertulisset. Factumq; est, ut qui sancto viro Fortu-nato pueros cum pretio reddere obedientiæ subiectus noluit, eos sine pre-tio pœna subactus donaret. Paria tradit Venerabilis Beda de B. Ioanne

S Greg lib. 1.
dial c. 10 Ba-
ron. Tom. 7.
An. 537. 11.

Ven. Bedal. 5.

Ioanne Episcopo Eboracense, qui Comitis cuiusdam vxorem grauissimo morbo liberauit, misâ aquâ benedictâ, quam in dedicationem Ecclesię consecrauerat, eamq; iusserat ab egra gustari, nec non, vbi dolor vehementissimè sauebat, eadem aqua lauari decumbentem. Quo factò, femina illicò integris viribus surrexit. Paria memorat Petrus Damiani de S. Odilone Abbate Cluniacensi, qui Gerardum puerum lunaticum, magno sæpe impetu humi cadentem, & instar mortui iacentem, porrecta aqua benedicta, protinus perlanauit. Paria testatur Edinerus de S. Anselmo Cantuariensi ArchiEpiscopo, qui impresso signo crucis, & aqua sacra super oculos cæci aspersa, eum illuminauit. Eiusdem generis, in vitis Sanctorum innumera sunt, quæ enumerare velle, est velle Nilum exhaurire.

Hæc autem ipsa satis multa libuit, è probatis Authoribus afferre, non solùm ad cæcitatem ex oculis hæreticorum amouendam, sed etiam ad ipsos Catholicos excitandos, vt tam antiquum, & non solùm animæ, sed ipsi etiam corpori salutarem Ecclesiæ ritum, sua negligentia non sinant abrogari; sed maiorum suorum laudabili more, singulis diebus Dominicis, aquam è templo Iustralem secum domum referant, ad egressum cubiculi, & hypocaufti suspendant, eaq; aspersa, se se contra omnes diaboli insidias muniant, & dum in vasculum illius digitum intingunt, putent se cum S. Thoma digitum in vulnera Christi, manum in latus Saluatoris immittere, & diuino sanguine petant, iam hanc, iam illam sibi negligentiam, culpamq; ablui. Vt verò aqua benedicta valida est contra dæmones, & maleficia, ita & prodest benedictio salis, panis, vini, olei, cereorum, herbarum, palmarum, &c. mera enim sunt remedia ista spiritualia, etiam corporis vtilia incolumitati. *Quia omnis creatura DEI sanctificatur, per verbum DEI & orationem.* Hinc & illæ ceræ, quas Agnos DEI vocant, certis temporibus à summo Pontifice consecratos; reliquiæ Sanctorum, symbolum Apostolorum, initium Euangelij S. Ioannis, similiaq; sacra amuleta, ab Ecclesia vsurpari solita, omni falsitate, vanitate, & superstitione carentia, non debent in desuetudinem deuenire. Profani sunt, qui sacra negligunt; impij, qui contemnunt. Exempla passim occurrunt,

Mmm 2

& à

hist. Angl.
c. 4. An. Dom.
723.

Petr. Dam. in
vita S Odilone.
An. Dom.
1048.
Edin. Angl.
l. 2. vit. S Anselmi.
Ann.
1106.

XXI.

1. Tim. 4. 4.